

職方典第四百八十五卷

汝州部彙考五

汝州兵制考

州志

本州

分防千總一員 隸河南城守營都司

外縣兵制未載

汝州物產考

州志

本州

麥類

玉麥

大麥

小麥

蕎麥

豆類

黃豆

青豆

黑豆

小豆

蒙豆

豇豆

豌豆

黍稷類

白黍

赤黍

黃黍

稷

稻類

秈稻

白稻

糯稻

麻類

白芝麻

黑芝麻

紅芝麻

麻

果類

桃

石榴

梨

李

柿

棗

核桃

杏

蔬類

葱

蒜

韭

瓠

白菜

芥菜

芹菜

木耳

茭蒿

菠薐

黃瓜

西瓜

南瓜

北瓜

冬瓜 絲瓜 扁豆 茭菱 生菜 香椿 山藥

蒿笋 茄 藕 豇豆角 紅白蘿蔔

木類

柳 桑 椿 榆 楊 槐 松

柏 楸 桐 楮 櫟 栗

鳥類

鷹 鵲 燕 鳬 雉 鵝 鴨

鷄 鶯 雀 鴉 鶉 鸚 鵲 鴿

獸類

牛 驢 羊 犬 豕 猫 兔

鹿

魚類

鯉 鮎 鱖 鯽

貨類

絲 絹 布 棉花 油 紅花 蜜

黃蠟

石類

花汝石 花紋絢爛可觀不可多得

酒類

封酒 黃酒 燒酒

魯山縣

土產與汝州同唯多木耳今亦大異昔矣

邙縣

土產與汝州同時有麴稱佳行於關中山右今其麴不行而亦無有造者又邙酒一名襄陵

酒凡宴享饋遺所必需焉亂後真方失傳一二家彷彿造之者止僅存其名而已又藥名紅娘出紫雲山中

寶豐縣

土產與汝州同

伊陽縣

土產與汝州同

汝州古蹟考

州志

本州

子城在州治西北相傳唐宋元時汝州舊址

父城在州治東南父城保本殷時應國左傳

楚城父城卽此按史記秦惠文君與魏王會于應在汝東南屬寶豐

汝北城在州治南亦

名王鳩城高齊置郡後改曰汝陰後周廢

周承休城在州治子城東光武封姬常昶爲承

休公主周祀卽此隋曰承休縣唐改爲梁縣

梁王城在州治相傳梁王避暑處

賈復

城在州治東南百里一名通鴉城 孫光普城按通典在梁縣西南 廣成城在州治崆

峒山卽黃帝問道於廣成子處 愚狐聚在州治西秦遷西周君於此 陽人聚在州治

西秦遷東周君於此又孫堅大破董卓兵之地 蠻中聚在州治東北官莊保按通典云卽

戎蠻子國俗呼麻城 沛公壘在州治東北大劉山南高帝入關世祖西征俱駐此 望

嵩樓在州城內唐時建以望嵩今爲玉皇閣州守金先聲重修募疏 鄭公堂在州治宋富

弼嘗兩偃藩於汝民思之爲建此堂 此君堂在州治宋元祐中知州文大方構 龍興

樓在州城中宋崔鷗有老去未覺攀躋難一表獨立青冥裏之句 思賢亭在州治後宋祥

符中知州楊億有賢聲後王珣瑜繼守思之因建 虛舟亭在州治後金防禦使完顏公建

趙思文有記今碑不可考 致雨亭在州治有蘇轍祈雨文刻石今廢 香遠亭在州治

金知州烏方倫建 崆峒洞在州治廣成子修真之處 流杯池在州治溫泉武則天幸

此今廢 溫泉在州治爲八景之一 風穴在州治爲八景之一 仙人橋在州治費

長房昇仙遺蹟 洗耳橋在州治堯讓天下於許由許由曰無以污吾耳於河水洗之

雙桂堂在州治北門外

翠嵐亭在州治爲八景之一

吳公洞在州治爲八景之一

巢父井在州治西關

桃園在州治爲八景之一

槐閣在州治道署內有大槐三株前

道楊公嗣昌建

汝甯在州治元至元年間造青磁最美久廢

昇仙石在州治崆峒山

丹霞院內爲廣成子飛昇處石上有雙足遺蹟

太史湖在州治卽小西湖州西北烏龍堰

爲太史王公濬亭舍壯麗爲一郡之勝

汝帖碑在州治舊凡十二刻在州治內爲寇亂殘

破順治七年巡道范承祖修整并詩跋二十四刻移置道署賓館

石帖昔黃帝張樂於鈞

臺鈞臺汝東鄙也崆峒在望帝所往來問道處太史公謂登箕山有許由塚卽汝北鄙環汝而

隍爲洗耳河稍西有巢父井雖陵谷未遷而珍藏絕少惟石帖爲歷代名筆昔人品古刻第之

上中藏望嵩樓四方游轂至多爲摹勒有司苦之明嘉靖間詔毀天下淫祠遂乘此廢去瘞馬

廐中復爲祖龍所厄今其存者十無二三皆煨燼之餘也爨下無完音豈不惜哉

魯山縣

魯陽城在縣西北古魯縣夏孔甲時劉累遷此

思父臺在縣相傳漢光武駐兵於此築臺

思父

飼鴉臺在縣大山之側光武北趨河朔至此失路有鴉引於馬前飼之

琴臺在

縣城北唐元德秀爲尹時築顏真卿有文金趙秉文書琴臺二字刻石明邑令羅文寶楊呈芳

重修

皇清呂士龍修葺王雍重修

丘公城在縣西三十里孝婦得翁尸於挂爺山葬丘公山而城之

卽此

姑嫂石在縣西四十里兩石對峙屹立河濱

修禊亭在縣唐歐陽詹爲魯令時

歲以三月三日集僚吏於此按詹晉江人與韓愈聯第閩人舉進士自詹始

顏魯公碑在

縣爲元次山墓志銘碑記原在青條嶺後移學宮內

王莽城在縣西南十八里王莽追漢

光武至此築城

光武城在縣西南十八里光武爲王莽所逼築城拒之與王莽城遙望相

對

擂鼓臺在縣光武城傍小山

月明石在縣漢光武避莽難昏夜至此有石如月之

明

月落坪在縣漢世祖避莽難由月明石至此而月落

看花園在縣西十里廟基址

尙存有古井唐括公造

郊縣

姚期樹在縣城北十字溝地方舊以爲姚期莊基址已廢止有山頂黃棟樹一株生於石上蟻
螳不敢近千餘年枝葉茂盛人不敢損犯者輕傷畜重傷人 姚期莊在縣城北十字溝基

址雖廢有遺礎存焉 沛公壘在縣城北大劉山下卽漢高祖駐蹕之地 鑼鼓廟在縣

城北相傳爲姚期所荷石棄諸此後人築以爲廟止尺餘內聞鑼鼓聲 骨石山在縣大劉

山下十字溝中積骨成山參差如房屋相沿里餘傳說爲古用兵地行人採山下草木佩之可

免腰膝痛石中栗葉葫葉印跡分明好事者取其玲瓏小石置園圃中 鈞天臺在縣薛店

西北三里許世傳黃帝問道於廣成子奏鈞天之樂卽此地 神龜臺在縣城西隋開皇初

獲神龜腹文曰天下楊興左有日字右有月字卽此 望仙臺在縣望仙村 紀事臺在

縣城西續漢書曰世祖西征降羣盜於此 擂鼓臺在縣項羽招兵擂鼓處上有石室三間

俗號無梁殿 看花臺在縣城北隅弘治間知縣曹豹改爲崇正書院嘉靖間知縣陳範增

修周程朱張蘇七賢祠尙有石屏八副老柏數株存焉 王喬洞在縣詳仙釋部 婆婆

園在縣城西崔鵷隱居於此又名牛莊 皂角樓在縣樹可數圍枝頂橫生王蒼谷先生

架一書樓於其上

抱哥灣在縣世傳魯義姑迫於寇棄其子抱姪以遁賊追及之得其故

皆感泣投戈

開化寺鐘在縣鐘從汝水浮來縣民收之寺中重不能舉一丈夫突自外至

謂衆曰第爲我置食我當爲若代舉及炊熟而鐘已舉丈夫亦不復見矣及擊之聲震遠邇

梨園在縣鹽城張敬流寓於此事母孝母卒廬於墓側

趙子昂題碑在縣西黃道保元鞏

武惠公墳內

蘇東坡石刻在縣蓋有三蘇墓云甲申歲劇賊吳宗聖等發其塚至底無所

見老泉先生以藏衣冠處僅免墓周元柏百有八十株悉伐去丙戌秋余來令郊卽購賊棄諸市明年上巳予往祀一路荒涼因口占一絕曰義眉黯黯暮雲橫樹盡碑殘野草生莫道荒涼烟火絕山家今日是清明去墓半里一碑塚誌石外露則東坡先生孫婦余疑曰古人或多智耳遂命土人種樹百而還是夕夢一青衣曰東坡公遣使致謝余曰東坡何在曰在臨汝君至彼可得見也至仲秋有事臨汝忽有青衣款門遺余一卷卽夢中所見人也及開卷乃東坡先生真蹟余驚疑良久始悟前所謂至臨汝可見者卽此是也因勒諸石

皇清丁亥年邑令張篤行識

寶豐縣

賈侯古城在縣內之西北隅僅一彈丸耳爲膠東侯第宅其城土甚堅固至今縣人仍呼爲賈府古城中有廟祠存焉其城西北隅正當雨水之衝父老謂其下有神物坐鎮每河水泛漲至此失險

父城在縣本殷應國也父音甫漢之縣名今城址尙存漢光武獲馮異于父城市

車鄉卽此有馮異王霸墓在焉 古城在縣正北二十里未詳何代僅存基址

春風亭

在縣卽程明道雙酒亭

擂鼓臺在縣

封箭臺在縣

甘羅臺在縣

白雀異槐

在縣

顯蹟古樹在縣城東南十二里樹大十圍

伊陽縣

水簾洞在縣東五里

古城在縣南三里宋翟興翟進居此廢址猶存

杜康筥在縣北

五十里俗傳杜康造酒於此

鬼谷洞在縣雲夢山

巖莊在縣相傳巖子陵故宅今通

志在浙按浙伊相距數千里安得爲光武故人隱釣富春山事在辭諫議之後

百福碑在

縣 百壽碑在縣

忠孝二碑在縣唐元德秀書宋文天祥贊

陵墓附

本州

漢馮異墓在州治臨汝

唐劉廷芝墓在州治風穴前

白居易墓在州治臨汝

宋

悼園墓在州治西北牛脾山按神道碑云宋太祖三弟秦王廷美之墓今有祔兆二十餘以王獲罪徙爵恐怖卒追封魏王諡曰悼

楊延釗墓在州治風穴右釗詐死汝州其塚卽代死

遺塚

明滕昭墓在州治西北杏園陂

張從易墓在州治望雲山

魯山縣

周魯陽公墓在縣西北三里淮南子覽晏訓魯陽公與韓構難戰酣日暮授戈而揮日爲之反

三舍又考一統志載魯陽公墓在邑大古城西北二里許

唐元次山墓在縣北三十里

石抹公墓在縣北七里頭知汝州卒於此

唐括公幹墓在縣唐括姓幹名先世居真定府

因官魯山遂家焉元擢武信將軍墓在縣西七里頭看花園後

宋孟良墓在縣青條嶺鄰

元次山墓世傳良與焦光贊田丹爲友事楊六郎

賀將軍墓在縣東北八里賀家灣之次

名無考 明鄧侍郎墓在縣西坊廓保禮部侍郎

郊縣

漢薄姬墓在縣東薄姬保世傳漢文帝母葬此 唐馬燧墓在縣南 宋三蘇墓在縣城

西北峨嵋山下按文忠公嘗爲汝州團練使每愛郊山形勢類其鄉遂有終焉之志因號曰小峨嵋貽書仲氏文定曰他日我死貧不能歸葬我於是旣而自請徙常有田以便給養久之以建中靖國元年歿於常其子邁偕文定奉柩卽小峨嵋山葬焉未幾文定致仕居許距此僅二百里至政和二年卒亦葬此山後元郊令楊允取其父老泉先生衣冠瘞二塚間先是宋南渡二派之後散處靡存瑩域荒蕪迨元元貞初知汝州事元叔儀爲之封樹至順初監縣忽欲理赤又爲樹碑神道以表之明正德間蒼谷王公建石坊一額曰青山夜雨聯臨長公筆法是處青山可埋骨他年夜雨獨傷神之句明末乃爲土賊吳宗聖等發其塚古柏悉伐去順治三年張公來令郊始爲封固種柏數百立老泉先生碑於其上有詩曰高風千載香難攀明月孤墳汝水間箕尾已歸星斗下死生天地兩眉山張公名篤行 朝奉郎李公墓在縣北塔亭寺

宋上騎都尉賜緋魚

元鞏國武惠公墓在縣西黃道保元雲南行中書省右丞哈喇賜榮

祿大夫平章事趙松雪題碑

達魯花赤沙將軍墓在縣西黃道保元松江府千戶封昭勇

將軍

明左春坊贊善大夫李愚菴墓在縣西四十里

浙江右布政王蒼谷墓在縣南

五十里

吏部右侍郎張竹菴墓在縣北五十里

隱士王伯達墓在縣北五里

寶豐縣

天子墳在縣西山八十里許未詳何代或云秦遷周天子陽人聚卒葬其地山谷深靜旁建寺

院

賈將軍墓在縣萬壽寺西清明邑人祭弔輿圖考又載汝州東南

漢馮異王霸墓

在縣東父城春秋有祀漢書巾車鄉在此

伊陽縣

周孫臏墓在縣雲夢山上遠望之有塚詣其地則杳然無形

宋焦贊墓在縣南三屯鎮

權宰相墓在縣權家溝

職方典第四百八十六卷

汝州部藝文一

縣令箴

唐元結

古今所貴有土之官當其選授何嘗不難爲其動靜是人禍福爲其噓喻作人寒燠煩則人怨猛則人懼勿以賞罰因人喜怒太寬則慢豈能行令太簡則疎難與爲政旣明且斷直焉無情清而且惠果然必行關絲上官事不自我辭讓而去何其不可誰欲字人贈君此箴豈獨書紳可以銘心

自釋

前人

河南元氏望也結元子名也次山結字也世業載國史世系在家譜少居商餘山著元子十篇故以元子爲稱天下兵興逃難入猗玗洞始稱猗玗子後家襄濱乃自稱浪士及有宮人以爲浪者亦漫爲官乎呼爲漫郎旣客樊上漫遂顯樊左右皆漁者少長相戲更曰聲叟彼諠以聲者爲其不相從聽不相鉤加帶簪簪而盡船獨聲齟而揮車酒徒得此又曰公之漫其有聲乎公守著作不帶簪簪乎又漫浪於人間得非聲齟乎公漫久矣可以漫爲叟於戲吾不從聽於時俗不鉤加於當世誰是

古今圖書集成
聲者吾欲從之彼聲豈不慙帶乎零咎吾又安能得薄乎著作彼聲豈不羞聲爵於鄰里吾又安能
慙漫浪於人間取而醉人議當以漫豈爲稱直荒浪其情性誕漫其所爲使人知無所存有無所將
待乃爲語曰能帶咎咎全獨而全生能學聲爵保宗而全家聲也如此漫乎非邪

元次山墓誌銘

顏真卿

嗚呼可惜哉元君君諱結字次山皇家忠烈義激文武之直清臣也蓋後魏昭成皇帝孫曰常山王
遵之十二代孫自遵七葉王公相繼著在悼史高祖善禪皇朝尙書都官郎中常山郡公曾祖任基
朝散大夫襄信令襲常山公祖利貞霍王府參軍隨鎮改襄州父延祖清靜恬儉歷魏城主簿延唐
丞思閒輒自引去以魯縣商餘山多靈藥遂家焉及終門人諡曰太先生寶應元年追贈左贊善大
夫君聰悟宏達倜儻不羈十七始知書乃受學於宗兄先生德秀嘗著說楚賦三篇中行子蘇源明
駭之曰子居今而作真淳之語難哉然世自澆浮何傷元子天寶十二載舉進士作文編禮部侍郎
楊浚曰一第汙元子耳有司得元子是賴遂登高科及祿山首亂逃難於猗玗洞因招集鄰里二百
餘家奔襄陽明皇異而徵之值君移居瀼溪乃寢乾元二年李光弼拒史思明於河陽肅宗欲幸河